



Thuto Ya Ba-Nikola

ka

Mor. William Marrion Branham

Thuto Ya Ba-Nikola

Tshenolo 2:15, "Hape o na le ba yang ka thuto ya ba-Nikola, eo ke e hloileng."

O tla hopola hore Mongwaheng wa Efese ke ile ka hhalosa hore lentswe lena, ba-Nikola, le tswa mantsweng a mabedi a Segerike: *Nikao* e bolelang ho *hapa*, le *Lao* le bolelang *phutheho*. Bo-Nikola bo bolela, "*ho hapa phutheho*." Jwale hobaneng hoo e le ntho e tshabehang hakaalo? Ho a tshabeha hobane le ka mohla Modimo ha a eso ka a bea kereke ya Hae matsohong a boetapele bo kgethweng bo tsamayang ka mohopolo o nang le tshekamelot dipolotiking. O beile kereke ya Hae tlhokomelong ya banna ba tlotsitsweng ke Modimo, ba tletseng Moya, ba phelang Lentswe homme ba etella batho ka ho ba fepa Lentswe. Ha A eso ka a arola batho ka dihlopha e le hore phutheho e tle e etellwe pele ke boprista bo halalelang. Ke nnete hore boetapele bo tlamehile ho halalela, empa ka mokgwa o tshwanag phutheho yohle e tlamehile ho halalela. Ho ya pejana, ha ho sebaka Lentsweng moo baprista kapa baruti kapa ba jwalo e leng babuelli pakeng tsa Modimo le batho, le hona ha ho sebaka moo ba kgethehileng borapeding ba bona ho Modimo. Modimo o batla hore bohole ba rate esita le ho Mo sebeletsa mmoho. Bo-Nikola bo nyahlatsa ditaelo tseo mme sebakeng sa hoo ba kgetholla baruti bathong mme ba etse baetapele babusi bakeng sa bafo. Jwale hantle-ntle thuto ena e qadile e le ketso mongwaheng wa pele. Ho bonahala eka bothata bo itshetlehile mantsweng a mabedi: "baholo" (diperesbiterine) le "balebedi" (dibishopo). Leha Lengolo le bontsha hore ho na le baholo ba mmalwa ka kerekeng e nngwe le e nngwe, ba bang ba ile ba qala (Ignatiuse hara bona) ho ruta hore mohopolo wa bobishopo ke ho phahamela kapa matla le taelo hodima baholo. Jwale bonnete ba taba ke ho re lentswe "moholo" le bontsha hore motho eo ke mang, anthe lentswe "bishopo" le bontsha maemo a monna yena eo. Moholo ke monna eo. Bishopo ke maemo a hae monna eo. "Moholo" ha esale e bua feela ka dilemo tsa monna tsa boiphihlelo Moreneng mme e ya nne

besale e bua ka hona. Ke moholo, eseng hobane a kgethilwe kapa a tlotsitswe, j.j., empa hobane a HODILE HO FETA. O rutehile ditaba, o kwetlisehile, ha a motjha, o tshephahala ka baka la boiphihlelo le bopaki bo emeng halelele ba bo-Kreste ba hae. Empa lekgale, dibishopo ha di a ka tsa tiisetsa diepistoleng tsa Pauluse, empa ho ena le hoo ba lebisa tabeng ya nako eo Pauluse a neng a bitsa baholo ho tloha Efese ho ya Mileta ho Diketso 20. Temaneng ya 17 lengolo le bolela hore, "baholo" ba ile ba bitswa mme ebe temaneng ya 28 ba bitswa "balebedi" (dibishopo). Mme dibishopo tsena, (ntle le pelaelo ka mohopolo o sekametseng dipolotiking le ho thohothella boholo) ba ngangella hore Pauluse o fane ka moelego wa hore "balebedi" ba fetisa moholo wa lehae ka boholo ba maemo ntle le ka kerekeng ya hae ka sebele. Ho bona mobishopo jwale e ne e le motho ya ruileng boholo bo namileng hodima baholo ba bangata ba lehae. Kgopolu e jwalo e ne e sa nyalane le Mangolo ekasitana le histori, empa hodima ho le jwalo esita le monna wa boleng ba Polikapo o ile a tshekallela lehlakoreng la mokgatlo o jwalo. Kahoo, se ileng sa qala e le ketso mongwaheng wa pele se ile sa etswa thuto e tletseng homme le hona ho jwalo kajeno. Dibishopo le jwale di sa ipolela matla ho laola banna homme le ho sebetsana le bona ka moo ba lakatsang, ho ba bea moo ba batlang tshebetsong. Hona ho latola boetapele ba Moya o Halalelang O boletseng, "Nkgetheleng Pauluse le Barnabase bakeng sa mosebetsi oo Ke ba bileditseng wona." Hona ho kgahlano le Lentswa ekasita le Kreste. Mattheu 20:25-28, "Jesu, yare ha ba bileditse ho yena, a re: Lea tseba hoba marena a ditjhaba a di busa, mme baholo ba tsona ba na le puso e thata hodima tsona. *Ho se ke ha eba jwalo ho lona*; empa mang le mang ya ratang ho ba moholo hara lona, e ke e be mohlanka wa lona; mme mang le mang ya ratang ho ba wa pele hara lona, e be mofo wa lona; Jwaloka Mora motho, ya sa kang a tlela ho sebeletswa, empa e le ho sebeletsa le ho neela bophelo ba hae ho ba topollo ya ba bangata." Mattheu 23:8-9, "Empa lona, le se ke la bitswa Rabbi: hobane moruti wa lona o mong, e leng Kreste, mme lona bohle le bana ba motho a le mong. Le se ke la bitsa motho lefatsheng ntata lona, hobane o mong feela eo e leng Ntata lona, ke ya leng mahodimong."

Ho ka hlakisa sena le ho feta, e re ke hialose bo-Nikola ka mokgwa wona. O a hopola hore ho Tshenolo 13:3 e re, "Ka bona hloho e nngwe ya sona e hlabilwe eka e ya shwa; empa leqebea leo, le e bolayang, la fola, mme lefatshe kaofela la makala ke sebata." Jwale re a tseba hore hloho e neng e lemetse e ne e le Puso ya bohetene ya Roma, matla ao a maholo a sepolotiki lefatsheng. Hloho ena e ile ya tsoha hape jwaloka "puso ya semoya ya Roma e Katolike." Jwale tadima sena ka hloko. Keng seo Roma ya sepolotiki ya bohetene e ileng ya se etsa seo e bileng motheo wa katileho ya hae? E, ile ya "arola le ho hapaka." Ebile peo ya Roma—ho arola le ho hapa. Meno a yona a tshepe a ile a tamukanya le ho harolaka. Ya neng a tamukantswe le ho harolakwa ke yena o ne a ke ke a kgona ho tsoha hape jwaloka nakong eo a neng a falatsa Khatheje mme a mo sila ya eba letsmai. Peo yona eo ya tshepe e ne e dutse ho yena ha a ne a tsoha jwaloka kereke ya bohata, mme lepetjo la hae esale le dutse le tshwana—arola o hapake. Ke bo-Nikola boo mme Modimo o bo hloile.

Jwale ke nnete e tsebahalang ya histori hore eitse hoba phoso ena e hohobele ka kerekeng, banna ba ile ba qala ho qhwebeshana bakeng sa maemo a bobishopo ka sephetho sa hore maemo ana a ne a se a abelwa banna ba rutehileng ho feta le ba atlehileng dinthong tsa lefatshe le ba rui leng kelello e elang dipolotiki hloko. Tsebo ya botho le mananeo tsa qala ho nka sebaka sa bohlale bo Kgethehileng mme Moya o Halalelang ha o a ka wa hlola o busa. Ruri bona e bile bobe bo sehloho, hobane dibishopo di ile tsa qala ho tshetlamisa hore ha ho sa hlole ho hlokeha semelo se bonaletsang sa Bokreste ho ruta Lentswe kapa ditshebelelso tse mahlonoko ka kerekeng hobane e ne e le disebediswa mmoho le ditshebelelso tse nang le taba. Hona ho ile ha dumella banna ba kgopo (bakgelosi) ho haraswanya mohlape.

Ka dithuto tsa batho tsa bophahamo ba dibishopo ho ya sebakeng seo ba sa se dumellwang Mangolong, kgato e hlahlamang e bile ho aba maemo ka mabitso a tlotliso ho ileng ha haheha ho ya tsamaisong e nang le maemo a boholo a feta-fetanang; hobane

kaapele-pele ho ile ha ba le diarekabishopo hodima dibishopo le dikadinale hodima diarekabishopo mme nakong ya Bonifase wa boraro ho ile ha eba le mopapa hodima bohle, *Pontifi*.

Phello ya sehlooho ka thuto ya bo-Nikola mmoho le kgomathiso ya Bokreste le Bobabilona e ne e loketse ho ba seo Ezekiele a se boneng Kgaolong ya 8:10, "Yaba ke a kena; eitse ha ke tadima, ka bona ditshwantsho tse ngata tsa dihahabi le tsa diphoofolo tse ilwang, le ditshwantsho tsohle tsa ntlo ya Israele di tshwantshitswe ka lerakong, ho le pota ka nqa tsohle." Tshenolo 18:2, "La howa ka lenseswe le phahameng, le phepa, la re: O wele, o wele, Babilona e moholo! o fetohile moaho wa batemona, letsaba la meya yohle e ditshila, le letsaba la dinonyana tsohle tse sa hlwekang, tse ilwang! Hobane ditjhaba tsohle di nwele veine ya bohale ba bootswa ba hae."

Jwale thuto ena ya bo-Nikola, molao wona o ileng wa hlongwa ka kerekeng ha o a ka wa nepana hantle le bongata ba batho hobane batho ba ne ba kgona ho bala epistole e fapaneng kapa serapana se se kgutshwane ho tswa Lentsweng se ngotsweng ke monna ke wa horenq wa morapedi. Kahoo kereke e ile ya etsang? Ya kgaola baruti ba lokileng le ho tjhesa mangolo. Ba re, "Ho nka thuto e ikgethileng ho bala le ho ka utlwisia Lentsweng. Ehlide esita le Petrose o boletse hore ditaba tse ngata tseo Pauluse a di ngodileng di ne di le thata ho ka utlwisiseha." Hoba Lentsweng le tloswe bathong, ha tla kaapele-pele maemong ao batho ba neng ba se ba mamela feela seo baprista ba se buang, le ho etsa seo a ba boleletseng sona. Ba bitsa hoo Modimo le Lentsweng la Wona le halalelang. Ba hapa dikelello mmoho le maphelo a batho mme ba ba etsa bafo ba boprista bo se nang moedi.

Jwale haeba o batla kgodiso ya hore Kereke ya Katolike e batla maphelo le dikelello tsa batho, a ko mamele feela phatlalatso ya Theodosiase wa X. *Phatlalatso Ya Pele Ya Theodosiase*.

Molao wona o ile wa ntshwa hang hoba a kolobetswe ke Kereke ya Pele ya Roma. "Rona marena a mararo re lakatsa hore balatedi ba rona ba kgomarele ka tiisetso borapeding bo ileng ba rutwa ke Mohalaledi Petrose ho Baroma, bo nnileng ba bolokwa ka

botshepehi ka neeletsano mme boo jwale bo bolelwang ke pontifi, Damasase wa Roma, le Petrose, mobishopo wa Aleksandria, monna wa Boapostola bo halalelang ho ya ka hlomamiso ya Baapostola, le thuto ya Evangedi; a re dumeleng Bomodimong bo le bong ba Ntate, Mora, le Moya o Halalelang, ka boholo bo lekanang Borarong bo Halalelang. *Re laela hore baitlami ba tumelo ena ba bitswe Bakreste ba Katolike; re maneha balatedi bohle ba dithoto ba ditumelo tse ding ka lebitso la nyediso la bakwenehi, mme re hanela le diphutheho tsa bona ho nka lebitso la kereke.* Ntle le tsuo ya toka e halalelang, ba tshwanetse ho lebella qoso e boima eo boholo ba rona, bo eteletswe pele ke bohlale ba lehodimo bo tlang ho hloma e tshwanetse ho dihiwa... ”

Melao e leshome le metso e mehlano ya dikotlo eo mmusisi enwa a ileng a e ntsha dilemong tse kaalo e ile ya amoha baevangedi ditokelo tsohle ho ka phetha borapedi ba bona, ho ba ntshetsa ntle diofising tsohle tsa tshebetso, le ho ba tshosa ka ditefo, ho ba amoha ding tsa bona, ho leleriswa mme esita le maemong a mang, lefu.

Na o a tseba keng? Re lebile hantle nqeng eo kajeno.

Kereke ya Roma e Katolike e ipitsa Mma dikereke. E ipitsa kereke ya pele kapa ya tshimoloho. Ehlide ho nepahetse ka bottlalo. E bile Kereke ya ho Qala ya Roma e ileng ya kgehlemana mme ya wela sebeng. E bile ya pele e entseng mokgatlo. Ka ho yena ho ile ha fumanwa diketso homme le thuto ya bo-Nikola. Ha ho motho ya ka latolang hore ke mme. Ke mme mme o hlahisitse baradi. Jwale moradi o tswa mosading. Mosadi ya apereng purapera e mmala wa sekarelata o dutse hodima maralla a supileng a Roma. Ke seotswa mme o tswetse baradi. Baradi bao ke dikereke tsa Maprotestanta tse tswileng ho yena mme yaba di kgutlela hape hantle mokgatlong le bo-Nikoleng. Mme enwa wa baradi ba dikereke o bitswa seotswa. Ke mosadi ya sa kang a tshephahala dikanong tsa hae tsa lenyalo. O ne a nyadisitswe ho Modimo mme yaba o tloha ho etsa bohlola le diabolosi mme bohololeng ba hae o tswetse baradi ba tshwanang hantle le yena. Kopano ena ya mme le moradi e kgahlano le Lentswe, kgahlano le Moya, mme phellong kgahlano le Kreste. Ehlide, ANTIKRESTE.

Jwale pele ke eya pele haholo ke batla ho bolela hore dibishopo tsena tsa ho qala di ile tsa nahana hore di phahametse Lentswe. Tsa bolella batho hore ba ka tshwarela dibe tsa bona boipolelong ba dibe tseo. Hoo le ho leka e ne e se nnete. Ba qala ho kolobetsa masea mongwaheng-kgolo wa bobedi. Hantle-ntle ba ne ba sebetsa temalo ya kolobetso ya tswalo ya bobedi. Ha ho makatse ha batho ba ferekane kajeno. Haeba ba ne ba kopane hakaalo nakong eo, haufi hakaalo le Pentekosta, jwale ba maemong a nyahamisang ho feta, hoba ba be dilemo tse ka bang dikete tse pedi hole-hole le nnete ya tshimoloho.

Oho, Kereke ya Modimo, ho na le tshepo e le nngwe feela. Kgutlela Lentsweng mme o dule le Iona.

THUTO YA BALAAME

Tshenolo 2:14, "Empa ke na le ditaba tse seng kae, tseo ke di nyatsang ho wena: ke hobane mona o na le ba yang ka thuto ya Balaame, ya rutileng Balake ho bea kgopiso pela bana ba Israele, ba tle ba je tse hlabetsweng medimo ya bohata, mme ba etse bohlola."

Jwale o ke se be le lenaneo la bo-Nikola ka kerekeng kantle le hore thuto ena e nngwe e kene, le yona. O a bona, ha o tlosa Lentswe la Modimo le motsamao wa moyo o Halalelang jwaleka mokgwa wa borapedi ("ba Nthapelang ba tlamehile ho Nthapela ka Moya le ka nnete") jwale o tla tlameha ho nea batho mokgwa o mong wa borapedi ho bo suthela, mme ho fapanyetsa ho bolela bo-Balaame.

Haeba re tla utlwisia seo thuto ya Balaame e leng sona kerekeng ya Testamente e Ntjha re tla lokela ho boela morao mme ho bona hore e ne e le eng kerekeng ya Testamente ya Kgale mme re e sebedise mongwaheng oo wa boraro mme re boeles re e nyollele hape lekgatheng la jwale.

Pale ena e fumanwa ho Numere Kgaolo ya 22 ho tswella ka 25. Jwale re a tseba hore Israele e ne e le setjhaba se kgethilweng sa Modimo. E ne e le Mapentekosta a tsatsi la bona. Ba ne ba ile ba

tshabelo tlasa madi, ba kolobetswa bohole Lewat leng le Lefubedu mme ba nyoloha ho tswa metsing ao, ba hobela Moyeng le ho tlala tlasa matla a Moya o Halalelang, nakong eo Meriama, moporofeta wa mosadi, a tiletsang moropa wa hae. Jwale, kamora ho ba nako e itseng leetong, bana bana ba Israele ba ile ba fihla Moabe. Le a hopola hore Moabe e ne e le mang. E ne e le mora wa Lota ka e mong wa baradi ba hae ka sebele, mme Lota ka lehlakoreng le leng e le motswalae Abraham, kahoo Israele mmoho le Moabe ba ne ba amana. Ke batla hore o bone seo. Bamoabe ba ne ba tseba nnete, e leng hore ba ne ba e phela kapa tjhe.

Kahoo Israele ya fihla meeding ya Moabe mme ya romela manqosa ho morena ka polelo e reng, "Re baena. Re dumelleng ho haola le naheng ya Iona. Ha batho ba rona kapa diphoofolo tsa rona di ejia kapa ho nwa ho hong, re tla thabela ho lefella hoo." Empa Morena Balake o ile a fehelakwa haholo. Hloho eo ya sekgakgatha seo sa Banikola e ne e se makgatheng a ho dumella kereke ho parola ka dipontsho tsa yona le meeka le ditshupiso tsa mefuta-futa tsa Moya o Halalelang, ka difahleho tsa bona tse bekenyang ke kganya ya Modimo. Ho ne ho le kotsi haholo, kaha a ka nna a lahlehelwa ke o mong wa mokgopi wa hae. Kahoo Balake a latola ho dumella Israele ho feta. Hantle-ntle, tshabo ya hae bakeng sa bona e bile kaalo, hoo a bileng a ya ho moporofeta wa mohiruwa ya reilweng Balaame le ho mo kopa ho bua pakeng tsa hae le Modimo le ho qela ya Matla-ohle ho rohaka Israele, ho ba hlokisa matla. Mme Balaame, ka ho labalabela ho nka karolo ditabeng tsa dipolotiki le ho fetoha monna ya tumileng, ehlile a thabela ho etsa jwalo. Empa ka ho bona hore o loketse ho atamela ho, le ho fumana tokelo ho tswa ho Modimo ho ka etsa hore batho ba rohakwe, kaha a ne a ke ke a ho etsa ka boyena, a tloha le ho botsa Modimo hore na a ka fumana tumello ya Hae ho ka ya. Jwale na ha ho tshwane le ka Banikola bao re nang le bona mmoho kajeno? Ba rohaka e mong le e mong ya sa yeng ka tsela ya bona.

Yare ha Balaame a qela tumello ho Modimo ho ya, Modimo o ile wa mo latolela. Kgele seo ya eba sehlabi! Empa Balake a ngangella, ebole a mo tshepisa meputso e meholwanyane le tlota. Kahoo

Balaame a kgutlela ho Modimo. Jwale karabelo e le nngwe ho hlaha ho Modimo e ne e loketse hore ebe e lekane. Empa e seng bakeng sa Balaame ya nang le ditaba-tabelo tsa hae. Hoba Modimo a bone lonya la hae, A mmolella ho phahama le ho tsamaya. Hang-hang a qhaneha esele ya mme ke eo a tloha. O tlamehile hore ebe o ile a lemoha sena hoba ke thato feela ya Modimo e dumehileng mme o ne a ke ke a kgona ho ba rohaka leha a ne a ka ya makgetlo a mashome a mabedi mme a leka makgetlo a mashome a mabedi. Ka mokgwa oo batho ba tshwanang le Balaame kajeno! Ba dumela ho Modimo e meraro, ba kolobetswe ka maemedi-bitso a mararo bakeng sa LEBITSO, mme leha ho le jwalo Modimo a nne a romelle Moya hodima bona jwaloka ha A ile a etsa hodima Balaame, mme ba nne ba dumele hore ba nepahetse hantle, mme ke bana hantle bo-Balaame ka ho tlala. O a bona, thuto ya Balaame. Tswela pele leha ho le jwalo. Etsa ka mokgwa wa hao. Ba re, "Ke hantle, Modimo o re hlohonolofaditse. Ho tlamehile hore ebe ho lokile." Ke a tseba hore O le hlohonolofaditse. Ha ke latole seo. Empa ke tsela yona ya mokgatlo eo Balaame a ileng a e nka. Ke phephetso Lentsweng la Modimo. Ke thuto ya bohata.

Ka hoo Balaame a theosa ka bohlaha le tsela ho fihlela lengeloi le hlhang ho Modimo le eme tseleng ya hae. Empa moporofeta eo (bishopo, khadinale, modula-setulo, mopresidente le mookamedu ya moholo) o ne a pompaletse dintho tsa Moya jwana ke kgopolu ya tlrtliso le botumo le mopupsto hoo a sa kang a kgona ho boma lengeloi le emeng ka sabole e tsomutsweng. Ke moo le eme ho thiba moporofeta ya hlanyang. Esele e nyenyane e ile ya le hlokomela mme ya kgelohela pele le morao ho fihlela qetellong e kgobeletse leoto la Balaame leboteng la majwe. Esele ya kgiritsa mme ya hana ho tsamaya. E ne e ke ke ya kgona. Ka hoo Balaame a tshethemela fatshe mme a qala ho e shapa. Yaba eseles e qalella ho bua le Balaame. Modimo wa baka hore eseles e buwe ka diteme. Esele eo e ne e se na semelo se kgopameng; e ne e le peo ya ho qala. Ya re ho mporofeta ya pompetseng, "Na ha se nna eseles ya hao, mme na ha ke a ka ka o pepa ka botshepehi?" Balaame a arabela, "E, e, o eseles ya ka mme o nnile wa mpepa ka botshepehi

ho fihla lena; mme ha ke sa kgone ho etsa hore o tsamaye, ke tla o bolaya. . . wee! taba ee ke eng, ke buwa le esele? Ho a hlolla, ke lekanya hore ke utlwile esele e bua homme ke e fetola.

Modimo o nnile wa bua ka dipuo ka ka mehla. O buile moketeng wa Beltsatsare mme hape Pentekosta. O sa ntse a etsa jwalo hape le kajeno. Ke tlhokomediso ya kahlolo e tlang ka potlako.

Ebile lengeloi le iponahatsa ho Balaame. La bolella Balaame hore ha e ne e se ka esele a ka be a timetse esita le jwale ka ho phephetsa Modimo. Empa yare ha Balaame a tshepisa ho kgutlela morao, o ile a romelwa ho ya ka tayo e thata ho bolela feela seo Modimo o mo fileng sona.

Ka hoo Balaame a theosa mme a haha dialetare tse supileng bakeng sa diphoofolo tse hlwekileng tsa sehlabeled. A hlabo pheleu ho supa ho tla ha Messia. O tsebile seo a loketseng ho se etsa ho atamela Modimo. O ne a ena le enjene e lokile; empa e seng setimi; ho tshwana le jwale. A na o kgora ho bo bona, Banikola? Iseraele ke eo o ne a le tlase moo phuleng, a neelana ka setjheso se tshwanang, a etsa dintho tse tshwanang, empa ya mong feela o ne a ena le dipontsho ho latela. Ya mong feela o ne a ena le Modimo pakeng tsa bona. Sebopoho se ke se o fhlise kae feela. Se ke se nke sebaka sa ponahatso ya Moya. Ke se ileng sa etsahala Nisea. Ba Bea thuto ya Balaame, e seng thuto ya Modimo. Mme ba kgetshemela; ee ba wa. Ya eba banna ba shweleng.

Hoba setjheso se etswe, Balaame o ne a itokiseditse ho ka porofeta. Empa Modimo wa rarahanya leleme la hae le hona a sitwa ho ba rohaka. A ba hlohonolofatsa.

Balake o ne a hlokofetse haholo, empa ha ho letho leo Balaame a neng a ka le etsa ka seporofeto. Ho ne ho se ho ile ha bolelwa ke Moya o Halalelang. Ka hoo Balake a laela Balaame ho theohela tlase, phuleng, le ho lekola dintlha tsa bona tse mpe ho bona hore na ha ho mokgwa o itseng o ka tshohang o le teng ho ka ba rohaka. Masene ao Balake a sebedisitseng ke wona masene ao ba a sebedisang kajeno. Mekgatlo e meholo ya dikereke e tadima dihlotshwana tse nyenyan, mme ntho efe feela eo ba e fumanang

mahareng a bona ho ka etsa sekgopiso ba ya e hotolla mme ba e phatlole. Ha batho ba mehla ya kajeno ba phela sebeng, ha ho mang ya buang ho hong ka hona; empa e re feela e mong wa bakgethwa a kene molekong mme lehlasedi le leng le le leng le e hlahatsa naheng yohle. E, Israele e bile le dintlha tsa yona tsa bofokodi (nama). Ba ne ba ena le lehlakore la bona le neng le sa lokelwa ke ho rokwa; empa hodima ho hloka phetheho ha bona, ka morero wa Modimo o sebetsang ka boikgethelo, ka mohau e seng ka mesebetsi, BA ENA LE LERU MOTSHEARE LE TOPALLO YA MOLLO BOSIU, BA ENA LE LEFIKA LE TEILWENG, NOHA YA KOPORO LE MEHLOLO LE MEEKA. Ba ne ba netefatswa—e seng ka ho bona, empa ho Modimo.

Modimo ha o a ka wa ba le hlompho efe feela bakeng sa Banikola bao ka di-PHD, di-LLD, le di-DD tsa bona mmoho le mekhatlo yohle ya bona e babatsehang le tse ntle ka ho fetisia tseo motho a ka iphafang; empa O bile le hlompho Israaeleng hobane e ne e ena le netefatso ya Lentswi pakeng tsa yona. Ruri Israele ha e ya ka ya shebahala e bentshitswe haholo, kaha ba ne ba sa tswa Egepeta palehong e maqakabetsi, empa le ha ho le jwalo e ne e le batho ba hlohonolofaditsweng. Hoohole feela hoo ba kileng ba ho tseba dilemong tse tlolang makgolo a mararo e bile ho aloosa mehlape, ho lema masimo, le ho ba makgoba tshabong ya lefu tlasa Baegepeta. Empa jwale o ne a lokohile. Ka boholo bo ikgethileng ba Modimo e le setjhaba se hlohonolofetseng. Ruri Moabe o ne a mo nyedisa. Ditjhaba tse ding tsohle di entse jwalo, le tsona. Ka mehla mokgatlo o nyedisa ba sa iketsang mokgatlo, mme kapa, ka boikemisetso, ba tla ba sotetsa mokgatlong kapa ho ba senya haeba ba sa batle ho tla.

Jwale motho e mong a ka mpotsa, "Moena Branham, ho etsang hore o nahane hore Moabe o ne a hlophisitswe kanthe Israele yena o ne a se jwalo ke eng? Kgopoloe eo o e fumana kae?" Ke e fumana hantle mona Bibeleng. Ho tshwantshitswe hohle hona mona. Ntho e nngwe le e nngwe e ngodilweng Testamenteng ya Kgale e le mokgweng wa pale e ngodilwe bakeng sa tayo ho rona hore re tle re kgone ho ithuta ho tswa ho yona. Ke ena mona hantle ho Numere

23:9, "Kea mmona, ke le qhoweng ya mafika; kea mmoha ke le hlorong ya dithaba; bonang, bonang ke setjhaba se ahang se NNOTSHI; se SA BALWENG LE DITJHABA." Ke moo he. Modimo a tадимile fatshe ho tswa qhoweng tsa mafika, e seng phuleng e itseng ho sheba dinttha tsa bona tse mmpe le ho ba qosa. Modimo a bona ka mokgwa oo A neng a batla ho ba bona—ho hlaha bophahamong ba lerato le mohau. Ba ne ba ikahela ba NNOTSHI mme ba ne ba sa hlophiswa. Ba ne ba se na morena. Ba ena le moporofeta, mme moporofeta a ena le Modimo ka ho yena ka Moya; mme Lentswe le etla ho moporofeta homme Lentswe le ye bathong. E ne e se ditho tsa Matjhaba a Kopaneng U.N. E ne e se maloko a Mokgatlo wa Dikereke wa Lefatshe, a Baptisti, Presbeteriene, Assembly of God kapa sehlopha se seng feela. Ba ne ba sa natse ho ba ditho. Ba ne ba kopantswe ho Modimo. Ba ne ba sa hloke keletso ho tswa lekgotleng lefe kapa lefe feela—ba ena le "Horialo Morena" mahareng a bona. Hallelual!

Jwale leha ntliha e le hore Balaame o ne a tsebisia mokgwa o loketseng ho atamela Modimo le hona a ne a ka kgona ho hlaha tshenolo ho tswa ho Modimo ka kabo e ikgethileng ya matla, hodima tseo tsohle, e ntse e le, mobishopo sehlopheng sa bohata. Hobane ke eng seo a ileng a se etsa ho ka fumana mohau mahlong a Balake? A loha leano moo Modimo a neng a tla tlameha ho sebetsana le Israele ka lefu. Jwaloka ha Satane a tsebile hore a ka thetsa Eva (ho etsa hore a wele sebeng sa nama) ka hona a bake hore Modimo a dihe kahlolo ya Hae ya lefu kgahlanong le sebe, ka baka leo Balaame o tsebile hore ha a ka kgona ho etsa hore Israele e sitwe, Modimo o ne a tla tlameha ho sebetsana le bona ka lefu. Ha ho le jwalo a rera mokgwa ho etsa hore ba tshele le ho tla ikopanya sebeng. A ntsha dimemo ho tjhakela moketeng wa Baale-peore (tloong mme le rapele mmoho le rona). Jwale Israele, ntle le pelaelo, ba ne ba bone mekete ya Baegepeta ka baka leo ba ile ba utlwa ho se hobe hakaalo ho ka ya le ho lebella feela mme mohlolomong le ho keteka le batho. (Etswe ho phoso ka kopano e kaba ke eng? Re loketse ho ba rata ha ho jwalo, ho seng jwalo re ka ba hapa jwang?) Ho loka ha ho ke ho kgopa mang kapa

mang—kapa, kamoo ba neng ba hakanya kateng. Empa yare ha basadi bao ba tjhatjhehisang ba Bamoabe ba qalella ho etsa tjhao le ho hlobola ha ba ntse ba ferella ba bidikoloha ba ebesela le ho kolokoteka le ho tshwephoha ditakatso tsa phahama ka ho Baiseraele mme ba ile ba hulelwa bohloleng homme Modimo kgalefong a hlabla dikete tse mashome a mane a metso e mmedi tsa bona.

Mme ke seo Konstantine le bahlahlami ba hae ba se entseng Nisea le ka mora Nisea. Ba memela batho ba Modimo sebokeng. Mme yare ha kereke e dula fatshe ho ja, le ho ema e bapala (ba nka kabelo mekgweng ya bokereke, ditshebeletsong tse mahlonoko tsa bodumedi, le mekete ya bohetene e reeletsweng ka ditshebeletso tsa Bokreste), e ile ya pitlwa; e ne e entse bohlola. Yaba Modimo o a tswa.

Nakong eo motho ofe kapa ofe a retelehang ho tloha Lentsweng la Modimo mme a ikopanya le kereke ho ena le ho amohela Moya o Halelalang, motho eo o a timela. O shwele! Ke seo a leng sona. O se ke wa ikopanya le kereke. O se ke wa kena mokgatlong le hona ho nkeha ke dithuto tsa bohata le meetlo leha e le ntho efe kapa efe feela e nkang sebaka sa Lentswe mmoho le Moya, kapa o ya shweleng. Ho fedile. O shwele. O arohane le Modimo kahosafeleng!

Ke se ileng sa etsahala mongwaheng o mong le o mong ha esale. Modimo o lokolla batho. Ba tswa ka madi, ba hlatsuwe ka Lentswe, ba fete hara metsi a kolobetso mme ba tlatswe ka Moya; empa ka mora nakwana lerato la pele le a phola mme motho wa horeng a thole mohopolo wa ho re ba loketse ho bopa mokgatlo e le hore ba ipoloke le ho iketsetsa lebitso, homme ba itlhlopise hantle ho boela morao molokong wa bobedi mme ka nako tse ding ekasita le pejana ho moo. Ha ba sa hlola ba ena le Moya wa Modimo, empa sebopetho feela sa borapedi. Ba shwele. Ba itsentse ka dithuto tsa bohata le sebopetho mme ha ho bophelo ka ho bona.

Ka baka leo Balaame a baka hore Israele e etse bohlola. Ana o a tseba hore bohlola ba nama ke wona moya o tshwanang le o dutseng borapeding bo hlaphisitsweng? Ke itse moya wa bohlola ke

moya wa mokgatlo. Mme bafebi bohole ba tla fumana kabelo ya bona ka letsheng la mollo. Ke seo Modimo a se nahananang ka mokgatlo. E monghadi, seotswa mmoho le baradi ba sona ba tla ba ka letsheng la mollo.

Mekgatlo ya dikereke ha se ya Modimo. Ha e eso ka e eba ya hae le hona e ke ke ya hlola e eba ya hae. Ke moyo wa bohata o kgaohanyang batho ba Modimo ho ya tsamaisong ya ditulo tsa boholo bo fetanang le phutheho e tlwaelehileng; mme ka baka leo, ke, ke moyo wa bohata o arolang batho bathong. Ke seo mokgatlo mmoho le diphutheho tse mabitso di se etsang. Ka ho hlophisa ba ikarola Lentsweng la Modimo, mme ba ikgulele bohololeng ba moyo.

Jwale ela hloko hore Konstantine o ile a nea batho mekete e ikgethileng. E le mekete ya kgale ya bohetene ka mabitso a matjha a qotsitsweng kerekeng, kapa dintlheng tse ding ditshebeletso tsa nkuwa le ho silafatswa ka mekete ya bohetene. O ile a nka tshebeletso ya modingwana wa letsatsi mme a e fetolela ho Mora Modimo. Ho ena le ho keteka ka Tshitwe 21, e leng nako eo ka temalo ba neng ba keteka mokete wa modimo wa letsatsi, ba o fetisetsa ho Tshitwe 25 le ho o bitsa letsatsi la tswalo la Mora Modimo. Empa re a tseba hore O hlahile ka Mmesa nakong eo bophelo bo bonahalang, e seng ka Tshitwe. Le hona ba nka mokete wa Astarte mme ba o bitsa keteko ya Paseka moo e leng hore Mokreste o loketse ho keteka lefu mmoho le tsoho ya Morena. Hantle-ntle e ne e le mokete wa bohetene ho Astarte.

Ba hloma dialetare ka kerekeng. Ba kenya kahare ditshwantsho. Ba nea batho seo ba se bitsitseng ditaelo tsa baapostola, leha o ke ke wa fumana seo ka Bibeleng. Ba ruta batho ho kgumamelia baholo-holo ka hona ba etse Kereke ya Roma e Katolike kereke e kgolohadi ka ho fetisia e rapelang maya e robetseng. Nonyana e nngwe le e nngwe e ditshila e ne e le ka letsabeng leo. Le hona o fumana Maprotestanta mmoho le mekgatlo ya bona ba etsa ntho yona ena.

Ba ja dintho tse hlabetsweng medimo ya bohata. Jwale ha ke bolele hore ba ne ba ej a kannete dinama tse hlabetsweng medimo

ya bohata. Hoba leha lekgotla la Jerusalema le ile la bua kgahlano le tse jwalo, Paulosi ha a ka a e phahamisa hakaalo jwalo ha a boletse hore medimo ha se letho. E le feela taba ya letsalo ntle le moo e neng e kgopa moena ya fokolang mme lebakeng leo e sa dumellwa. Ho feta moo, Tshenolo ena e ama Baditjhaba mme e seng Bajode kaha tsena e le dikereke tsa Baditjhaba. Ke bona sena ka lesedi le tshwanang le leo ke bonang mantswe a Morena, "Ha le sa je nama ya Ka le sa nwe madi a Ka ha le na bophelo ka ho lona. Motho a ke ke a phela ka bohobe feela empa o tla phela le ke polelo tsohle tse tswang molomong wa Modimo." O ka lemoha le hona hore ho ja hantle-ntle ke ho nka kabelo mohopolong wa semoya. Ka baka leo yare ha batho bana ba ntse ba kgumamela ditshwantsho, ba hotetsa dikandelare, ba sebedisa matsatsi a bohetene a phomolo, ba ipolela dibe tsa bona ho batho (tsohle tseo e leng hore ke tsa borapedi ba diabolosi), ya eba banka-kabelo mmoho le diabolosi e seng ba Modimo. Ba ne ba kene tshebeletsong ya medimo ya bohata e leng hore ba ne ba e amohela kapa tjhe. Ba ka bolela sohle seo ba se batlang ka hore dialetare le dibano di moo feela ho ba hopotsa ka dithapelo tsa Morena kapa sohle feela seo ba hlomang eka di a se bolela; mme ba ka nna ba re ha ba rapela pela ditshwantsho ke ho tiisa; le hore ha ba ipolela ho baprista, hantle-ntle ka dipelong tsa bona ke ho Modimo ba etsang hona, le hore ha ba bolela hore baprista ba ba tshwarela, taba feela ka hore o ho etsa ka Lebitso la Morena; ba ka bua sohle seo ba se batlang empa ba nka kabelo borapeding bo tsebahalang ba Babilona, ba Satane mme ba ikopantse le medimo ya bohata mme ba entse bohlola ba semoya, bo bolelang lefu. Ba shwele.

Ka lebaka leo kereke le mmuso tsa nyalana. Kereke ya ikopanya le medimo ya bohata. Ka matla a mmuso ho ba tshehetsa ba utwa jwale hore, "Mmuso o tlie mme thato ya Modimo e qobelletswe hodima lefatshe." Ha ho makatse ha Kereke ya Roma e Katolike e sa lebella ho kgutla ha Morena Jesu. Ha ba dumele dilemeng tse sekete. Ba na le dilemo tsa bona tse sekete hantle mona. Mopapa o a busa hantle hona jwale mme Modimo o busa ka ho yena. Ka baka leo ha A etla, ho ya ka bona, e loketse ho ba nakong eo mahodimo a

matjha le lefatshe a lokiswang. Empa ba fositse. Mopapa ke hlooho ya kereke ya bohata, mme dilemo tse sekete di ilo ho ba teng, empa nakong eo seo se tswellang a ke ke a ba ho tsona. O tla be a le kae-kae feela.

KGALEMO

Tshenolo 2:16, "O bake; ha ho se jwalo, ke tla phakisa ke tle ho wena, ke Iwane le bona ka sabole ya molomo wa ka."

Ke eng seo A ka se buang? Ana Modimo a ka tlodisa mahlo hodima sebe sa ba ileng ba jara Lebitso la Hae lefeela? Mokgwa o mong feela ho ka fumana mohau horeng ya sebe, BAKA. Ipolele hoba o molato. Tloo ho Modimo bakeng sa tshwarelo le bakeng sa Moya wa Modimo. Ena ke taelo ho tswa ho Modimo. Ho hloka kutlo ke lefu, hoba O re, "Ke tla Iwana le wena ka sabole e molomong wa Ka." Sebata se ile sa Iwana le bahalaledi, empa Modimo o tla Iwana le sebata. Ba ileng ba Iwantsha Lentswe tsatsing le leng ba tla fumana Lentswe le ba Iwantsha. Ke ntho e kotsi ho fokotsa, kapa ho eketsa Lentsweng la Modimo. Hoba ba le fetotseng, homme ba etsa ka lona ka moo ho neng ho ba loketse, pheletso ya bona e tla ba efe haese lefu le tshenyeho? Empa le jwale mohau wa Modimo o sa meketsa, "Bakang." Oh, ka moo mehopolo ya ho baka e babatsehang kateng. Ke tla ke sa tshwara letho matsohong a ka, ke mpa ke itshwarella feela sefapanong sa Hao. Ke tlisa maswabi a ka. Ke a baka ho beng seo ke leng sona, le seo ke se entseng. Jwale ke madi, ha ho letho haese madi a Jesu. E tla ba eng? Pako, kapa sabole ya lefu? Ho ho wena.

(Ho tswa ho: *Phatakanya Ya Mengwaha E Supileng Ya Kereke*)

SOUTH SOTHO

©1993 VGR, ALL RIGHTS RESERVED

Voice Of God Recordings, South Africa Office

P.O. Box 178, Somerset West, 7129 Cape Province, Republic Of South Africa

www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org